

Inatsisartut
Inatsisartut Allattoqarfiat

Inatsisartut
Bureau for Inatsisartut



Isumaginninnermut Naalakkersuisoq
/Aatsisartumit aanneqartoq.

Pineqartoq: Ilaqutariinnermut Ataatsimiititaliap UKA 2009/98-imik suliarinninera – Meeqqanut tapiissutit pillugit Inatsisartut inatsisissaattut siunnersuut.

Dato: 9. oktober 2009
Sags.nr. 01.38.02.05-
00059

UKA 2009/98-mut siunnersuut Ilaqutariinnermut Ataatsimiititaliamit suliarineqartussanngorlugu ulloq 2. oktober 2009-mi innersuussutigineqarpoq. Siunnersuutip sukumiisumik misissornera siullermeerinermilu oqaaseqaatit tunngavigalugit Ilaqutariinnermut Ataatsimiititaliaq makkuninnga apeqquteqarnissamut pissutissaqalersippaat:

Inatsisartut Allattoqarfiat
Bureau for Inatsisartut
Postboks 1060
3900 Nuuk
Oq/tel +299 34 50 00
Fax +299 32 46 06
inatsisartut@inatsisartut.gl
www.inatsisartut.gl

- 1) Puigorneq imaluunniit maleruagassanik ilisimasaqannginnerq pissutaarpiarlutik ilaqutariit arlalissuit meeqqanut tapiissutisarisinnaasaminnik pissarsinngitsoortarnerannik ilisimasat aallaavigalugit meeqqanut tapiissutinik ingerlaannartumik tunniussisalernissaq siunnersuutigineqarpoq. Maleruagassat allannortinniarerannut tunngavilersuummut issuarneqartumut taamaassorinninneq, misilittakkat imaluunniit ilisimasat tunngaviuppat?
- 2) Maleruagassanik ilisimasaqannginnerup kingunerisaanik ilaqutariit meeqqalluunniit ukiumut qassit manna tikillugu meeqqanut tapiissutinik annaasaqarsimanersut pillugit erseqqinnerusumik paasissutissiisoqarsinnaava, paasissutissarlu taanna aallaavigalugu pisortat ukiumut katillugu qanoq sipaaruteqartarnersut missingerneqarsinnaava?
- 3) Apeqqut 2 nangillugu siunnersuutip aningaasaqarnikkut kingunerisai Ilaqutariinnermut Ataatsimiititaliamit apeqqutigineqassapput. Siunnersuutip aningaasatigut kingunerisassaanik 2,5 aamma 5,0 mio. kr.-it akornanni atuinerussuteqarnissaq Naalakkersuisut qanorpiaq paasivaat?
- 4) Meeqqanut tapiissutinik pisartagaqarnissamut danskisut innuttaassuseqarnissaq piumasaqaataasoq siunnersuummi ingerlatiinnarneqarpoq. Meeqqat Kalaallit Nunaanni najugaqartut danskisut innuttaassuseqanngitsut isertitat apeqqutaatillugit meeqqanut tapiissutinik pisariaqartitsisinnaanngitsut Naalakkersuisunit isigineqarpat?

- 5) Meeqqanut tapiissutinik tunniussinermi innuttaassuseqarnissamik piumasaqataatip atorunnaarsinneqarnissaata isumaliutiginnissaanut apeqqut 4 tunngavissaqalersitsiva?
- 6) Meeraq meeqqanulluunniit tapiissutinik ukiumi kingullermi Kalaallit Nunaanni najugaqarsimassasoq §1, imm. 1, nr. 3-mi piumasaqaatinut ilaavoq.
Siunnersuutip aalajangersagartaani tassani sunarpiaq pineqarpa?
Nassuiaatit apeqqummik itisiliingillat.
- 7) Manna tikillugu periuserineqartoq naapertorlugu siunnersuummi § 6, imm. 4 malillugu kommunalbestyrelsi aalajangiisinnaavoq meeqqanut tapiissutit tamakkiisumik ilaannakortumilluunniit nioqqutissanik pisussutissanngorlugit tunniunneqartassasut imaluunniit aqunneqassasut.
Aalajangersakkap taaneqartup atuutsinneqarnerani kommunit manna tikillugu periuserisaat Naalackersuisut nassuiaateqarfigisinnaavaat?
- 8) Apeqqutip 6-ip akissuteqarfigineqarnera nangillugu Naalackersuisut isumaqarpat aalajangersakkamut atatillugu kommunit periuserisaat aalajangersakkakut periarfissiissutigisanut siunniunneqartunullu kiisalu meeqqat soqutigisaannut naapertuuttoq?
- 9) Siunnersuummi § 6, imm. 4-mi aalajangersakkap kommunit atorneqarnerata aqunneqarneratalu nakkutigineqarnissaa Naalackersuisut siunissami qanoq ingerlatilersaarpaat?
- 10) Siunnersuummi § 6, imm. 1-imi aalajangersagaq, meeqqanut tapiissutit qaammammut siumoortumik tunniunneqarsinnaaneramik periarfissiisoq, meeqqanut tapiissutit maannatut qaammatit pingasukkaartumik allatulluunniit tunniunneqartarnissaannik tapiissutisisartut kommunillu isumaqatigiissuteqarsinnaanerannik periarfissiiva?
- 11) Meeqqanut tapiissutit eqqortumik atorneqarnerat aammalu kontomi pingaarnermi 30.10.32-imi atuineq eqqarsaatigalugu siunnersuutikkut siunertarineqartoq qaqugu qanorlu Naalackersuisut naliiffigilersaarpaat?
- 12) Siunnersuutip siullermeerneqarnerani paasineqarpoq nassuiaatit kalaallisoortaa arlalitsigut kukkuneqartoq, paasiuminaatsunik imaqartoq, assigiissaagaangitsoq ersernerluttorlu, tamanna ataatsimiititaliap soorunami akuerisinnaangilaa. Nassuiaatini kalaallisut oqaatsit atorneqartut pitsaassusaannik qulakkeerinissaq iluarsisuteqarnissarlugu eqqarsaatigalugit Naalackersuisut qanoq iliuuseqalersaarpat?
- 13) Oqaatsit atorneqartut pingaartumillu inatsisiliornermi kalaallit oqaasiisa atorneqartut pitsaassusissaannik siunissami qulakkeerinissaq qanoq Naalackersuisunit qulakkiilersaarpaat, taamaaliornikkut atuisunut sullissisunullu inatsisit assigiissooqqullugit ersarissooqqullugillu?

- 14) Siunnersuummi nassuiaatini arlaleriarluni oqaatigineqarpoq meeraq katissimassanngitsoq, tamatumani sunarpiaq pineqarpa meeqqanullu tapiissutinik tunniussisarnermut atatillugu qanoq sunniuteqarpa?
- 15) Meeqqanut tapiissutinik ingerlaannartumik tunniussisalernissap siunertaq naapertorlugu allaffissornikkut ingerlalernissaa Naalakkersuisut qanoq qulakkeerniarpaat?
- 16) Ingerlaannartumik tunniussisarneq ajornartorsiutitaqalissagaluarpas periarfissanik allanik Naalakkersuisut eqqarsaatersuuteqarpa?
- 17) Meeqqanut tapiissutinik pissarsisarnermut atatillugu meeqqanut tapiissutinik pisartagallit piaaralutik eqqunngitsumik paasissutissiisimasut imaluunniit piaaralutik eqqortunik paasissutissiinaveersaarsimasut Naalakkersuisut malillugit qanoq kommuninit iliorfigineqartassappa?
- 18) Allaffissornikkut aqutsinissamat kingusinnerusukkat atuutilersitsinissaq pitsaanerusutut isumaqarfigalugu siunnersuutip 1. marts 2010-mi atuutilersinneqarneratigut allaffissornikkut ajoqutaasinnaasut nassuiaatigeqqullugit Naalakkersuisut Ilaqutariinnermut Ataatsimiititaliamit qinnuigineqassapput.
- 19) Siunnersuutip 1. januar 2010-mit kingusinnerusumit atuutilersinneqarnera pitsaaqutitaqartut Naalakkersuisunit isigineqarpa?
- 20) Inatsit ulloq 1. januar 2010 atuutilissappat siunnersuummi piginnaatitsissut naapertorlugu nalunaarummik kiisalu suliamik ingerlatsisunut maleruagassanik aqutsisuusussanut ilitsersuummik 2009-mi novemberip naanerani sanasoqareersimanissaa Naalakkersuisut qulakkiissavaat?

Siunnersuut pillugu ataatsimiititaliap isumaliutissiissutaani apeqqutinut akissutit ilanngunneqarnissaat naatorsuutigineqassaaq.

Siunnersuummik suliarinninnissaq aammalu siunnersuutip aappassaaneerineqarnissaanut isumaliutissiissuteqarnissamat piffissaliussaq eqqarsaatigalugu kalaallisut danskisullu akissutit kingusinnerpaamik ulloq 17. oktober 2009 Ilaqutariinnermut Ataatsimiititaliamit tiguneqareersimanissaat qinnutigaara. Akissut qarasaasiakkut uunga nassiunneqassaaq: jhh@gh.gl

Inussiarnersumik inuulluaqqusillunga

Debora Kleist
Ilaqutariinnermut Ataatsimiititaliap siulittaasua